



UNIVERSITÄTS-
BIBLIOTHEK
PADERBORN

Universitätsbibliothek Paderborn

Œcumenica Cathedræ Apostolicæ Avthoritas

Reding, Augustin

[Ort nicht ermittelt], Anno M.DC.LXXXIX.

Corollarium.

urn:nbn:de:hbz:466:1-38717

De Apost. erga SS. Canones potestate. 611

Assumptionis. Cap. Alma mater de sent. Excoom.
in 6. Ex quibus videlicet paulatim interdicto nihil ferme, præter interdicti nomen, esse relictum, quod argumento est, eos iplos, quibus utilia maximè sunt interdicta, molestiam & periculum eorum agnoscere.

40. *Tertiò. Interdicta sibi esse ab Ecclesiis spreta & contempta.* Quis enim ignorat, quām nihil fecerit Ecclesia Gallicana interdicta in Regnum Franciæ lata tum à Bonifacio tempore Philippi Pulchri, tum à Iulio tempore Ludovici XII. tum etiam alias ab alijs Pontificibus? Quis nesciat, Rempublicam Venetam interdictum Pauli V. ita irritum judicasse, ut ab eo ne quidem post pacem initam, absolví se, passa fuerit. Cum etiam Innocentius VIII. Brugenses, Gandavenses, & Ipresenses interdicto subijcere tentasset, ab ejus sententiâ advocatus Regius provocavit, & Senatus Parisiensis interdictum irritum esse, pronuntiavit, teste Chopino.

41. *Quartò. Ex hactenus deductis patere, interdictum Ecclesiasticum, quod in Regnum, Provinciam, Civitatem, aut Parochiam ob Regis, aut alterius peccatum fertur, rem esse novam, & odiolam, ne dicam, ferè semper injulfam & iniquam: repugnare etenim æquitati videtur, innocentes cum noxijs involvi, & ob unius peccatum puniri universam societatem; præsertim cùm Reges & Principes, propter quorum peccata Ecclesiæ interdicto subijci solent, non sint præcipua Societatis Ecclesiasticae, prout Ecclesiastica est, membra. Quod tamen ita intelligentum est, ut non omnis interdictorum usus sit damnandus, sed quoddam causè & raro ularpetur.*

Refutatio istarum Exceptionum.

42. *E Xordiendo à quartâ & ultimâ exceptione, disquirro ex Elliesio, quomodo Christianissimi Regis sui bella iusta pronuntiare valeat, cùm eorundem tamen effectus tot millia animarum præcipiter ad tartara, ac præter immensa insolentium militum flagitia, ut hostiam vinci possit iniquitas, tot innocentes noxijs permixtos, oporteat, circa fortunæ & vita Bona gravissimè lædi, imò interfici? Scio, ab ipso responsum iri, hæc ingentia bellorum mala per accidens duntaxat, ac indirectè se habere ad belli iusta actiones, dum per hoc Rex unicè intendit, jus iuum prosequi. Sicut ergo Theologus ille non iniquum ducit, quod in bello etiam iusto necessarium sit, innocentes per accidens involvi cum noxijs, quodque ob unius Regia jura temerantis nequitiam, universa Civitas seu regio aliqua puniatur, sic pariter respondeat sibi ad illam quartam exceptionem.*

43. *Quinimò Pontificum Romanorum pietas in casu generalis interdicti tam studiosè invigilat pro innocentibus, ne paria cum noxijs damna pati debeant, ut propterea facta sint ea indulcta Apostolica, quæ ipse metit Elliesius in 2. iudic. Except. enumerat. Quis vero dixerit, interdicta generalia adversus aliquod*

seu Regnum, seu Rempublicam, propter Regis, aut Principis, aut Statûs iniquitatem, ac pertinacem inobedientiam vibrata minus æqua & iusta fuisse ex eo, quod ab ipsius reis, eorumque fautoribus, viris etiam Ecclesiasticis, spreta & pro irritu habita fuerint? Hoc sanè foret perinde, ac Christianissimi Regis arma in bello secundum Theologorum suorum sententiam justo, iniquitatis insimulare ex hoc, quod ab ipsis tum vi militari, tum actiori calamo resistitur, eorumque iniquitia passim redarguntur. Hinc proinde prima Elliesij exceptio facilè eliditur, dum interdicta generalia ad tuendam auctoritatem Ecclesiasticam, adinventa quidem pronuntiat, ad Populi tamen indevolutionem, hæresimque pululationem, animarumque infinita pericula progignenda, perquam proclivia dicit: quia namque finis ille directè ac per se intentus æquus & sanctus est, afferere oportet, mala inde per accidens duntaxat ac præter intentionem eventuaria, moraliter haud imputari, maximè cùm ijs præcavendis satis congrua, à Romanis Pontificibus adhiberi soleant remedia in dicta 2. Except. enumerata: aperto sanè arguento, sanctum illum tuendæ Ecclesiastice auctoritatis finem, tam purè intendi à Summis Pontificibus, ut non sinant, cum contaminari ex effectibus pravis, solum indirectè, ac per accidens, seu præter intentionem ipsorum forsan eventuris.

Unde posito etiam, interdicta generalia usque ad Gregorium VII. fuisse rariora, maximè dum vel Christianis Imperatorum adhuc Ethnicorum regimini subjectis, vel Regibus Christianam Religionem jam professis, sanctæ Ecclesia, Divinaque Legis servandæ majus studium habentibus, ratio non admittebat hujusmodi interdictorum usum: at eorum, rarior licet, ab ipsomet etiam Elliesio asserta inflatio, jam nolcitur ex ipsis quoque antiquitatibus sancta disciplina comprobari.

Corollarium.

An etiam in ipsis mortuos ferri possit excommunicatio?

B Revi summâ hæc completemur, quæ Elliesius à pag. 290. usque ad pag. 292. digesta. Illa namque querela vel intelligitur de propriâ & verâ excommunicatione, quæ est actus Clavium Ecclesia, minimè protenarum super mortuis. Vel intelligi potest de continuatione excommunicationis in vivis contracta, & per abolitionem legitimam non ablata, vel etiam de excommunicatione impropria, detestatione scilicet memoria nefarij alicujus & facinorosi defuncti, vel etiam pro detractione seu erasure nominis ex Dypsis, seu Tabulis Ecclesiasticis in publico recitari conuetis. Hæc igitur posterior, non illa prior excommunicatione ferri potest in mortuis. Quamvis enim Vigilius in constituto improbabile videatur, Sacerdotes in pace Ecclesiastica defunctorum ex aliquâ post mortem ipsorum manifestâ causâ subiici anathemati, hoc

hoc tamen aliquam admittit moderationem ex Can. Concilij Africani, in quo statutum erat de Episcopis defunctis, qui hæreticis suas facultates reliquerint, ut post mortem anathemati subjicerentur: per hoc enim vel indiciebatur anathema in vitâ jam contractum, vel excommunicatione improprie duntaxat dicta. Nam uti Gelasius in Epist. ad Episcopos Dardaniae ait. *De eo, qui Divino iudicio jam constitutus est, nobis fas aliud non est, prater id, in quo eum dies supremus invenit.*

S. V.

De effectibus Excommunicationis.

47. **E**xcommunicationis mortalis effectum primarium Elliesius presentis Dissert. 3. cap. 3. ait, esse, ut aliquis ex albo Christianorum expungatur, & Synaxi, Eucharistiâ, preciis communibus, ac ceteris officijs, quibus societas & communio Christianorum coheret, indignus esse pronuntietur: id enim significare verba Christi: *Sit tibi sicut Ethnicus & publicanus.* Quemadmodum enim societas civilis servatur cum Ethnicis & Publicanis, ita per excommunicationem non excludi homines à societate civili, nec ijs privari officijs, adjumentis, & bonis, quæ ipsis tanquam hominibus & Civibus jure naturali, Gentium & civili debentur. Verum ex his posterioribus verbis resultat difficultas; *An nullo proposito modo valeat excommunicatione privare commercijs jure civili, immo & Gentium concessis?*

ARGUMENTUM I. Elliesij.

48. **H**ic Auctor present. pag. 293. rem hanc ita prosequitur. Itaque primus ac præcipuus, immo strictè loquendo, unicus excommunicationis effectus est privatio officiorum spiritualium, non eorum, quæ juri naturali, gentium, aut civili debentur, cuiusmodi est conjugum habitatio, parentum in liberos, librorum in parentes, consanguineorum inter se, ac Regum in subditos, & subditorum in Reges officia necessaria. Quod verò spectat ad libera, ut amicitia, mutui convictus & alia ejusmodi, hæc licet non videantur jure Divino prohibita esse, ab ipsis tamen Apostolorum temporibus in usu fuisse, hæc excommunicationis denegare, constat ex B. Paulo multis in locis; mandatque Joannes, *nolite eum recipere in domum, nec ave ei dixeritis, qui enim dicit illi ave, communicat ejus operibus malignis.*

Responsio.

49. **M**itra profectò in præsenti videtur Elliesij elisio, qui cùm unicum excommunicationis strictè ac propriè sumptu effectum coarctasset ad privationem officiorum spiritualium, mox tamen Apostolorum exemplo convictus, excommunicationis vim extendit ad mutui convictus, aliaque civilia commercia libera deneganda. Et hinc anfam arrigitur.

pit distinguendi duplē, primarium scilicet, ac secundarium excommunicationis effectum. Primarium ergo ac propria hujus censure effectum dicit, esse exclusionem à jure, quod habet quis in societate fidelium & Christianorum, & privationem eorum officiorum, quæ Christianis debentur, uti sunt Eucharistica communio ac preces communes. Secundarium vero & minus proprium ex parte duntaxat positivo subsistentem effectum, ait esse, ut cum excommunicatis familiaritas, convetus, & colloquium non ineatut, quando nulla necessitas, aut utilitas ad id cogit. Hinc subinfert, longè distictius esse præceptum, ut arcerentur excommunicati à Synaxibus, & preciis communibus, quam ut privarentur consilto familiaris; prout ibidem fuisit explicitum.

ARGUMENTUM II. Elliesij.

Pergit hic Auctor hanc in modum differre. Tametsi vulgo dicantur excommunicati privari bonis, hoc verò significari:

Os, orare, vale, communio, mensa, negari.
Altero tamen versiculo mox restituì, quod illo auferebatur. Ita enim habet iste posterior verius:

Vitile, lex, humile, res ignorata, necesse.
Quo nempe significari, legem excommunicationis superiori versiculo indicat, non habere locum tum inter virum & uxorem, nec non inter parentes, liberos, & consanguineos, nec non herum ac famulos. Tum si nesciat esse excommunicatus, aut dum hoc scitur, speret quis, suam familiaritatem illi utilem fore ad relipiscientiam. Tum si utilitas, aut negotia postulent, quempiam loqui cum excommunicatis, etiam denunciat. Ceterum praetextus Parisiensis Doctor ad hæc duo capita reduci causas, quibus non solùm licet, sed oporteat cum excommunicatis communicare in civilibus; nempe quando officium aliquod est debitum, vel quando necessitas, aut utilitas exigit communionem cum excommunicato.

Exceptio.

Ad majorem rei presentis elucidationem videtur operæ pretium, ex alibi deducens principijs dare rationem, quomodo, & ex quo fundamento censura Ecclesiastica viiant extendi ad bonorum & Jurium temporalium privationem. In penis scilicet infidelis Justine ratio duo requirit, justam causam, & legitimam auctoritatem. Si de hac agendum, noscitur ea considerare ex clavibus Ecclesiæ. Ita verò claves sunt per Christum dotata, indefinita ligandi & solvendi potestate super quocunque morale, in Regnum cœlorum ordinabile protensa. Eo ipso autem, quod privatio jurium & bonorum temporalium nata sit hominem infligere ad relipiscientiam, & penitentiam, ut, dum hæc mediante fit reconciliatio erga Deum & Ecclesiam, valeat obtineri restitutio ejusmodi jurium.